

ALLEI IM WALD

CA Rohrer Daniel

Verse1:

I loufe dür e Wald Der Räge chunnt scho bald
D'Luft wird dünn u chalt Bi immer no im Wald – Geng allei im Wald

Der Himmel hanget schwär Schwarz u Grau u lär
I Bi, weiss nümme wär I gheie hin u här – I gheie hin u här

Chorus:

Aus, wo'n i bi gsy – isch furt, weiss nid wohi
Aus, wo mau isch gsy – isch nümme so wie's isch gsy
.. isch nümm wie's denn isch gsy, isch nümm wie s denn isch gsy
s isch nüt meh wie s isch gsy, aues geit verbi

Verse2:

S isch Räge, s isch ke Schnee Ei Tropfe, när geng meh
I ha s gwüsst, i ha s doch gseh Uf der Hut tuet's weh – uf der Hut tuet's weh

D Fluets, es isch brutal Schwemmt mi zrugg i ds Tal
Es isch nid ds erschte Mal S isch jedesmal e Qual – wie ds Erschte isches
Jedesmal

Chorus:

Aus, wo n i ha gse – isch itz nienemeh
Aues, wo denn isch gsy – isch nid für immer gsy
... isch nid für ewig gsy, isch nid für ewig gsy
Isch nüt für ewig gsy, isch niemer ewig hie

Verse3:

I kenne mi hie nid us Ha nume no der Blues
Verwirrt, i bi konfus I chüme nümme drus – chumme totau nümm drus

Was Nöi isch isch scho alt U aus wo blybt isch Gwalt
Mys Härz wird langsam chalt I loufe düre Wald – bi hie allei im Wald

Chorus:

Aus, wo n i ha gha – hani, dert la stah
Aues, hani la ga – chani itze wyterga
I bi allei im Wald

